

## UANDAKUA JURHIMBEKUECHERI K'UIRIPUECHERI PARHAKPENI ANAPU

### INCHAJPEKUA

Mitiparini eski jánguarhikua, jurhimbekua ka no jupiperakua parhakpeni jimbo jupikuarhisindi jeioperakua jurhimbítku jangueri ka no ambe atarantskueri iamindu majku anapuecheri,

Mitiparini eski no eiangperakua ka isku eekua k'uiripuecheri jurhimbekua isi jimbosi xani no sesi kamerajjiti; ka uandajjiti, eski sanderu k'eri ambe ukua k'uiripuecheri, erokakua materu jaso irekakueri engakso k'uiripuecha, jurhajkutini ia chékua ka komu jáangua, sesi marhuataakaksi uandakua ka mamaru járhati jakajkukuechani,

Mitiparini sesimindu eski k'uiripuecheri jurhimbikuecha kuajpejaaka K'eri jurhimbikua jimbo, jimbokakso iso k'uiripuecha uatiksi no ambe jupikuarhini ka jauarani no sesi kamberakua jimbo,

Mitiparini istu eski uetarisínga etsekuni ka k'uiriperani iretecheri sesi pajperakua,

Mitiparini eski iretecha, Iretecheri kunguarhikua sesi jimbomendu uandajti ia imecheri jakajkua K'eri karákatarhu k'uiripuecheri jupikuarhikua jurhimbekueri, k'uiripueri k'uratsekua ka ts'íuekua ka majku jasi jukaparhperakua ts'íueriticheri ka uarhecheri; ka uandastiksi ia eskaksi uaka ambakiti ambe ireskuni ka irekakua ambe sesi uaxastani eratsiparini eskaksi usínga janguarhikuarhini,

Mitiparini eskiksi K'erhati Irechekuecha eiakurhistiksi sesi, jarhaujpeni indeni kunguarhikua Organisationsi de las Nacionesi Unidasi jingoni, iamendu jajañarperani ka urauani jurhimbekuechani ka janguarhikuechani k'uiripuecheri, ka

Mitiparini eski sesi mitiakaksi iamendu ieni jasi jurhimbekuechani ka jánguarhikuechani sanderu jukaparhakuesti ka inde eiakurhikuani uni isi ukuarhini,

K'ERI TANGUARHIKUA uandasindi

I K'eri Uandakua K'uiripuecheri Jurhimbikuecha Parhakpeni Anapu iamenduchani majku jasi eraaparini eskiksi iamendu iretecha janguarhentaakaksi, eskaksi xani k'uiripuecha eski k'umanchikua juramukuecha imani exeparini mititpeakaksi jorhentpeparini ka kaxomperakua jimbo, ini ambe jajañarhini, uaxastaatikso, sañani arhipani iapurhu iso, jiokurhiñaati ka sesi urañaati, xani iretecha engakso kurhpitini jaka ka engaksojtu iretecha jima jupindakuarhitini jaka.

#### Arhujtakua 1

Iamendu k'uiripuecha janguarhiparini ka majku jarhati ka jurhimbekuecha jingoni kueraañasondikso ka, juajtakuarhisíndiksi ambakiti eratsekua ka kaxumbikua, jatsistiksi eskaksi sesi arhijperaaka.

#### Arhujtakua 2

Iamendu k'uiripuecha jatsistiksi iamendu jurhimbekuechani ka janguarhikuechani engaksi ixu uandajka, na uejiki jasi iurhiri jatani, xarharani, ts'íuerati o uarhi, uandani, cheregeni, eratseni o materu jangua kamani, nani uejki anapueni, jatsikurhini tumina o no ambe, kueraakateni o materu jasi ambe uni o jamani.

Istu, no ima pañaati naki enga kunguarhikua juramukueri jamaaka, naki uejkini o nani uejki anapueni enga jupindakurhitini jauaka ma k'uiripu, xani enga ma paisei juramukuarhiti anapueuaka, eski ima irechekua enga no iamendu ambe jandiajku juramukuarhiaka.

#### Arhujtakua 3

Iamendu k'uiripuecha jurhimbekua jatsistiksi jamani i parhakpeni, janguarhikuarhini ka tsipekua kuajpemeñani.

#### Arhujtakua 4

No nema jamaati isku anchikuarhitsipeni nijtu isku jantspeni; isku anchikuarhitsipekua no sesikua jarhasti ka ni niatatsipetichani ataraantani o piauani na uejki jasi jimboeni.

#### Arhujtakua 5

No nema jatsisti eski komku kañaaka o eski k'uratsekueni jaso ambe kañantaaka.

#### Arhujtakua 6

Iamendu k'uiripuecha jurhimbekua jatsisksi, iapurhu isi, eski jajañarhiñaaka na uejki jasoeni.

## Arhujtakua 7

Iamenduksi majku jasisti jurhimbekuarhu jimbo ka jatsistiksi, ne uejkini, majku jasi kuajpikurhinskua, jurhimbekuecha jingoni. Iamenduksi majku jasi kuajpekuarhinskua jatsisti ne eng t'auajchakuaka ka no paaka ini uandakuani ka eratsekuani.

## Arhujtakua 8

Iamendu k'uiripuecha jurhimbikua jatsisti jupikuarhini ambe eng kuajpintaaka, eng tsandpemejaaka kuramukperakuarhu, eska kuajpejantaaka eng imeri jurhimbekuechani t'auajchakumejaaka.

## Arhujtakua 9

No nema uati isikumendu undani jupinani, onanani ni chutanantani o petaatanani.

## Arhujtakua 10

Iamendu k'uiripu jurhimbekua jatsisti, mangueni jatini, eska kurajchajaaka ka eska sesi kurangumejantaaka, eskakso juramuticha no nema jingoni k'uetsapeaka, eratseparinski imecheri jurhimbekuechani ka janguechani, o engaksi uekaka mitikuni ambesi tsijpa.

## Arhujtakua 11

Iamendu k'uiripu tsandpemekata ma ambe tso

No nema jupijaati ka onanani eng jiajkani eng tso

## Arhujtakua 12

No noma inchakumejaati imeri irekakuarhikua jimbo imeri japindembekuarhu, imeri k'umanchikuarhu o imeri ambe axatsoperakuarhuniitu churegani jaakuarhimegani ambe. Ini ambe jimbo iamendu k'uiripu jatsisti jurhimbekua eska kuajpikurhintaaka.

## Arhujtakua 13

Iamendu k'uiripu jurhimbekua jatsisti jamani ka erakukuarhini nani eng irekaaka ma Irechekuarhu.

Iamendu k'uiripu jurhimbekua jatsisti ueakuni ma o imeri paisirhu ka menderu ichaakuntani.

## Arhujtakua 14

Eng andanguani o jupinakuekani jauaka

I jurhimbekua no uati uanakutani o kurajkuarhini ma ambe tsijpakua jimbo eng ambe arhijka Nasionesi Unidasirhu.

## Arhujtakua 15

Iamendu k'uiripu jurhimbikua jatsisti nani eng anapueuaka.

No nema euakuarhejaati jurhimbikua isku undani nani eng anapueuaka o irekaaka ka majku jastu eng uekaaka mojtakukuarhini materu otamu iso

## Arhujtakua 16

Ts'iuerticha ka uarhicha, engaksi tumbiuaka ia ka iurhitskirini ia, jurhimbikua jatsistiksi, no p'ingunaparini iurhiri anapuekua o cherejekua jimbo, tembuchani o uambuchani ka ireskuni ma japindembekua; ka majku jaso marhuataatiksi jurhimbikuechani engaksi tembungurhitini jauaka ia ka istu engaksi jurhajkperaaka.

Jeiokeparaparsinski ka uekaparinkuksi uati tembungurhirini.

Japindembekua kueraakatesti parhakpenirhu ka jurhimbikua jarhasti eskiksi ireta ka Irechekua kuajpiaka ka jarhuatpeaka.

## Arhujtakua 17

Iamendu k'uiripu jurhimbekua jatsisti eski mamaru ambe jandiajku minguarhiaka, ka istu kunguarhuntutini mamaru ambe jatsikuarhini materu k'uiripuecha jingoni.

No nema euakuarhijaati iskumendu imeri jatsikuarhikua ambe.

## Arhujtakua 18

Iamendu k'uiripu jurhimbekua jatsisti eratseni eski na uekaaka, jaŋaskani ka cheregentu iso; i jurhimbekua jtu arhisindi eski uŋaaka mojtakuni chereŋekua ka jokajkukua, istu uandani na jaso chereŋesondi ka jakajkusindi, jandiajku ka uanekuecha jingoni, xani eski mitikuarhiaka ka eskajtu no ambe, jorhenguarhikua jimbo, isi ukua jimbo, jangua ka exekua jimbo.

#### Arhujtakua 19

Iamendu k'uiripuecha jurhimbekua jatsistiksi arhijpeni ka uandani; i jurhimbikua jtu arhisindi eski no ambe ma arhiŋaaka ambe enga uandaaka, ka etsakuni, mamaru jasi ambe etsakutarakua jimbo.

#### Arhujtakua 20

Iamendu k'uiripuecha sesikua jasistiksi tanguarhiŋantani ka kunguarhiŋantani kasopekua jingoni. No nemanksi uati uingarhitani eski ma kunguarhikua jingoni uaka.

#### Arhujtakua 21

Iamendu k'uiripu jatsisti sesikua uni andaparakuerani k'eri juramukuarhu, andaparakuerani o enga erakuntskuarhu ueraaka.

Iamendu k'uiripu sesikua jatsisti eski majku jasi ambe uaka teruŋarhitani juramukua imeri paisirhu.

K'uiripueri eratsekua ireteri anapu majkuesti jupitsekua uingarhikua enga ireta uandaaka juramukueri; i kuramukperati uati ma juramitini jatsini erakuntskuarhu engakso ukuarheni jauaka na jatini enga k'uaniaka, erakuntaparini sipatinku o iamendu exenaparini.

#### Arhujtakua 22

Iamendu k'uiripu, jimboka iretarhu anapueka, jurhimbikua jatsisti jaŋagarhikua kuajperata intsonani jarhua jperaparini iamendu juramukuecha jingoni juchari puindetsikuarhu jimbo ka tepetsekuarhu, marhuatani tumini juchari Irechekuarhu anapu, enga uetarka imeri jaŋaskua sesi jaxeaka ka t'arhexeaka.

#### Arhujtakua 23

Iamendu k'uiripu jatsisti eski intsinaaka ma anchekuarheta, eski ima na jasi jaŋaskatini jauaka, majkueni eski maruteruecheri ka eska kuajpenaaka enga niatakua no ambe jatsikuarhiaka.

Iamendu k'uiripu jurhimbekua jatsisti, no amutanantaparini, eski meiamuŋaaka ambe ka na xani enga anchikuarhitini jauaka.

Iamendu k'uiripu enga anchikuarhijka jurhimbikua jatsisti eska sesi meiamuŋaaka ka sesi exeaka, eski uaka nitamakuarhini ka sesi irekakuarhitarani imeri anapuecha jingoni.

Iamendu k'uiripu sesikua jatsisti kunguarhikuechani uaxastaani ka imajtu inchajpeni kunguarhekuarhu ka isi uni kuapini imeri anchikurhikuani.

#### Arhujtakua 24

Iamu k'uiripu jatsikuarhesti jurhimbekua mintsikuarhekua, jurhitenchakuarhekua, sesku atakua anchakuarhekua ka isijtu jakua na jasi jimbo jandajpekua meiamukata.

#### Arhujtakua 25

Iamu k'uiripu jatsikuarhesti jurhimbekua jurhimbejtsitatakua tsipekueri terukutakata imangi tatetspekuuaka, ka isijtu imeri exenchperakuani, uratajperantskua, ka sesi jakua, ka t'irekua jindemendo, xukuparhakua, irekua, tsinajperakua ka imangi uetarhiuaka ireteri manaratsperakua; ka isijtu jatsisti jurhimbekua tataetsperakuechani, iki no jatsikuarheuaka anchekuarheta, p'amenchakua, no ambouakua, tsindikua, t'arhepekua o materu ambe jimbo enga tsitooka imeri nitamanchakua imangi jimbo no isi atini jauaka.

Kuxarhekua ka uajpa sapichuekua jurhimbekua jatsikuarhestiksi jukauantskuaechani ka jandiojko jarhutakuaechani. Iamendu takiecha, jupiuakata tembuchakua o ueraakua tembuchakuarhu, jurhimbekua jatsisti majku jasi kuani iretarhu.

#### Arhujtakua 26

Iamu k'uiripu jurhimbekua jatsikuarhesti ambonastakua intso

Ambonastajperakua niarauati iamu p'irakuni k'uiripekua k'uiripuchaeueri ka uingarperani jaŋagarhikua jurhimbekua k'uiripuecheri ka janguarhekuaechanijku, uingarperauati kurhangukua, tekaantskua ka sesi pajperakua iamu sorangua k'uiripucheri ka iamu iretecheri o

cherejekuaecheri, ka manatooti p'irakukua niatakuaecha Kunguarhekua So

Tatembaecha uati erakuni na jasi ambonastajperakua uekasini intskuni uajpechani.

Arhujtakua 27

Iamu k'uiripu jurhimbekua jatsikuarhesti jandijku inchamukuni mimixekua tsipekuarhu ireteri, maruutani anchekuarheta imangi tsitieka ka inchajpeni jurhenguarhu imangi urhepani jauaka ka jurhiatenchakua imangiksi jima uerooka.

Iamu k'uiripu jatsikuarhesti jurhimbekua kuajperantskua imeri pejparikuaechani sesi jangua ka kejtaskuarhekuecheri imangiksi k'uaninchooka, anchekuarheta petakua, mimxekua, karakua o imecheri sesi niatakua jimbo.

Arhujtakua 28

Iamu k'uiripu jurhimbekua jatsikuarhesti esiki ikaskunooka ma ireteri uandangukata ka iamu sirukua k'uiripuecheri jininga jurhimbekuaecha ka janguarhekuecha enga eiamarhijperanjaka i ambonastajperakuarhu esoka isi niatakuarheuaka.

Arhujtakua 29

Iamu k'uiripu jatsikuarhesti eiauandakuarhekuaechani ireta jinguni, jimboka jimajku uaka kuerakuarheni jandijku imeri k'uiripekua.

Niatakua iameueri jurhimbekuaecha ka marhunchakua imaeueri janguarhekuaecha, iamu k'uiripu engauati jupikakata jima jimberu esika na uandakata jauaka uandaskukatarhu jimbokijtu isijku uati uinamu jupikani mitejperantskua ka jajanjarihikua jurhimbekua ka janguaecheri, ireteri uandangukata ka sesi irekua ma iretarhu imangi jauaka ireteri juramukua.

I jurhimbekuaecha ka jandijku hanguarhekua no uati mentjikusi niatakuarheni tanatskuarhekuni uengurhikua ka uandekuaechani Kunguarhekua Ma Sorangua K'uiripuecheri.

Arhujtakua 30

No ambe ma i ambonastajperakua uati kurhangukuarheni esoki intskusinga jurhimbekua irechakuani, ma umbatsekuani o ma k'uiripuni, uenani ka p'irakuni niatakuachani o niatani ambe ma imangisi texurhiuaka kenditani nakinderku ma jurhimbekuechani ka jandijku janguarhekauechani eiamarhijperakatecha i ambonastajperakuarhu.